

菜根譚·
幽夢影·
圍爐夜話



清·王永彬 著

圍爐夜話

廣陵書社

中國·揚州

圖書在版編目(CIP)數據

菜根譚·幽夢影·圍爐夜話 / (明)洪應明, (清)張潮, (清)王永彬著. —揚州: 廣陵書社, 2009.8 (2017.1 重印)
(文華叢書)

ISBN 978-7-80694-482-0

I. 菜… II. ①洪…②張…③王… III. ①個人—修養—中國—明清時代②人生哲學—中國—清代 IV. B825

中國版本圖書館 CIP 數據核字(2009)第 132906 號

ISBN 978-7-80694-482-0



菜根譚·幽夢影·圍爐夜話

著者 (明)洪應明 (清)張潮 (清)王永彬

責任編輯 王志娟

出版人 曾學文

出版發行 廣陵書社

社址 揚州市維揚路三四九號

郵編 二二五〇〇九

電話 (〇五一四)八五二二八〇八八 八五二二八〇八九

印刷 金壇市古籍印刷廠有限公司

版次 二〇〇九年八月第一版

印次 二〇一七年一月第六次印刷

標準書號 ISBN 978-7-80694-482-0

定價 壹佰貳拾圓整(全叁冊)

序

寒夜圍爐，田家婦子之樂也。顧篝燈坐對，或默默然無一言，或嘻嘻然言非所宜言，皆無所謂樂，不將虛此良夜乎？余識字農人也，歲晚務閑，家人聚處，相與燒煨山芋，心有所得，輒述諸口，命兒輩繕寫存之，題曰《圍爐夜話》。但其中皆隨得隨錄，語無倫次，且意淺辭蕪，多非信心之論，特以課家人消永夜耳，不足爲外人道也。倘蒙有道君子惠而正之，則幸甚。

咸豐甲寅二月既望王永彬書于橋西館之一經堂

一

教弟子于幼時，便當有正大光明氣象；檢身心于平日，不可無憂勤惕厲功夫。

二

與朋友交游，須將他好處留心學來，方能受益；對聖賢言語，必要我平時照樣行去，才算讀書。

三

貧無可奈惟求儉，拙亦何妨只要勤。

四

穩當話，却是平常話，所以聽穩當話者不多；本分人，即是快活人，無奈做本分人者甚少。

五

處事要代人作想，讀書須切己用功。

六

一『信』字是立身之本，所以人不可無也；一『恕』字是接物之要，所以終身可行也。

七

人皆欲會說話，蘇秦乃因會說話而殺身；人皆欲多積財，石崇乃因多積財而喪命。

八

教小兒宜嚴，嚴氣足以平躁氣；待小人宜敬，敬心可以化邪心。

九

善謀生者，但令長幼內外勤修恒業，而不必富其家；善處事者，但就是非可否審定章程，而不必利于己。

一〇

名利之不宜得者竟得之，福終爲禍；困窮之最難耐者能耐之，苦定回甘。生資之高在忠信，非關機巧；學業之美在德行，不僅文章。

一一

風俗日趨于奢淫，靡所底止，安得有敦古樸之君子，力挽江河；人心日喪其廉耻，漸至消亡，安得有講名節之大人，光爭日月。

一二

人心統耳目官骸，而于百體爲君，必隨處見神明之宰；人面合眉眼鼻口，以成一字曰苦（兩眉爲草，眼橫鼻直而下承口，乃苦字也），知終身無安逸之時。

一三

伍子胥報父兄之仇而郢都滅，申包胥救君上之難而楚國存，可知人心足恃也；秦始皇滅東周之歲而劉季生，梁武帝滅南齊之年而侯景降，可知天道好還也。

一四

有才必韜藏，如渾金璞玉，暗然而日章也；爲學無間斷，如流水行雲，日進而不已也。

一五

積善之家必有余慶，積不善之家必有余殃。可知積善以遺子孫，其謀甚遠也。賢而多財，則損其志；愚而多財，則益其過。可知積財以遺子孫，其害無窮也。

一六

每見待子弟嚴厲者，易至成德，姑息者，多有敗行，則父兄之教育所係也。又見有子弟聰穎者忽入下流，庸愚者轉爲上達，則父兄之培植所關也。人品之不高，總爲一『利』字看不破；學業之不進，總爲一『懶』字丟不開。德足以感人，而以有德當大權，其感尤速；財足以累己，而以有財處亂世，其累尤深。

一七

讀書無論資性高低，但能勤學好問，凡事思一個所以然，自有義理貫通之日；立身不嫌家世貧賤，但能忠厚老成，所行無一毫苟且處，便爲鄉黨仰望之人。

一八

孔子何以惡鄉愿，只爲他似忠似廉，無非假面孔；孔子何以弃鄙夫，只因他患得患失，盡是俗心腸。

一九

打算精明，自謂得計，然敗祖父之家聲者，必此人也；樸實渾厚，初無甚奇，然培子孫之元氣者，必此人也。

二〇

心能辨是非，處事方能決斷；人不忘廉耻，立身自不卑

污。

二一

忠有愚忠，孝有愚孝，可知『忠孝』二字，不是伶俐人做得來；仁有假仁，義有假義，可知仁義兩行，不無奸惡人藏其內。

二二

權勢之徒，雖至親亦作威福，豈知烟雲過眼，已立見其消亡；奸邪之輩，即平地亦起風波，豈知神鬼有靈，不肯聽其顛倒。

二三

自家富貴，不着意裏，人家富貴，不着眼裏，此是何等胸

襟；古人忠孝，不離心頭，今人忠孝，不離口頭，此是何等志量。

二四

王者不令人放生，而無故却不殺生，則物命可惜也；聖人不責人無過，惟多方誘之改過，庶人心可回也。

二五

大丈夫處事，論是非，不論禍福；士君子立言，貴平正，尤貴精詳。

二六

存科名之心者，未必有琴書之樂；講性命之學者，不可無經濟之才。

二七

潑婦之啼哭怒罵，伎倆要亦無多；惟靜而鎮之，則自止矣。讒人之簸弄挑唆，情形雖若甚迫；苟淡而置之，則自消矣。

二八

肯救人坑坎中，便是活菩薩；能脫身牢籠外，便是大英雄。

二九

氣性乖張，多是夭亡之子；語言深刻，終爲薄福之人。

三〇

志不可不高，志不高，則同流合污，無足有爲矣；心不可太大，心太大，則捨近圖遠，難期有成矣。

貧賤非辱，貧賤而諂求于人者爲辱；富貴非榮，富貴而利濟于世者爲榮。講大經綸，只是實實落落；有真學問，決不怪怪奇奇。

古人比父子爲喬梓，比兄弟爲花萼，比朋友爲芝蘭，敦倫者，當即物窮理也；今人稱諸生曰秀才，稱貢生曰明經，稱舉人曰孝廉，爲士者，當顧名思義也。

父兄有善行，子弟學之或不肖；父兄有惡行，子弟學之則無不肖；可知父兄教子弟，必正其身以率之，無庸徒事言

詞也。君子有過行，小人嫉之不能容；君子無過行，小人嫉之亦不能容。可知君子處小人，必平其氣以待之，不可稍形激切也。

三四

守身不敢妄爲，恐貽羞于父母；創業還需深慮，恐貽害于子孫。

三五

無論做何等人，總不可有勢利氣；無論習何等業，總不可有粗浮心。

三六

知道自家是何等身份，則不敢虛驕矣；想到他日是那樣

下場，則可以發憤矣。

三七

常人突遭禍患，可決其再興，心動于警勵也；大家漸及消亡，難期其復振，勢成于因循也。

三八

天地無窮期，生命則有窮期，去一日便少一日；富貴有定數，學問則無定數，求一分便得一分。

三九

處事有何定憑，但求此心過得去；立業無論大小，總要此身做得來。

四〇

氣性不和平，則文章事功俱無足取；語言多矯飾，則人品心術盡屬可疑。

四一

誤用聰明，何若一生守拙；濫交朋友，不如終日讀書。

四二

看書須放開眼孔，做人要立定腳根。

四三

嚴近乎矜，然嚴是正氣，矜是乖氣；故持身貴嚴，而不可矜。謙似乎諂，然謙是虛心，諂是媚心；故處世貴謙，而不可諂。

四四